

錢
志
新
編

錢志新編卷十

雲間張崇懿麗瀛校輯



宋

太祖姓趙氏名匡胤涿郡人四世祖朮爲唐幽都令生
珽唐御史中丞珽生敬涿州刺史敬生宏殷周檢校
司徒岳州防禦使娶杜氏生帝於洛陽之夾馬營赤
光滿室異香經宿不散人謂之香孩兒營及長狀貌
雄偉器度豁如仕周爲檢校太尉殿前都檢點受周
禪改國號曰宋都汴在位十七年壽五十改元凡三

建隆三乾德五開寶九起庚申終丙子按帝性至仁
孝自奉儉約且能推心置腹得以削平諸國所向有
功陳搏聞帝卽位曰天下自此定矣遠近蒙恩澤敷
四海洵爲三百二十年開基之主焉傳太宗真宗仁
宗英宗神宗哲宗徽宗欽宗是爲北宋高宗南渡再
傳孝宗光宗寧宗理宗度宗恭帝端宗帝昺是爲南
宋凡十八主統計三百二十年起庚申終已卯

宋元錢宋史食貨志曰五代以來皆用唐舊錢其鑄
者鮮太祖始鑄錢文曰宋元通寶鄧元錫函史曰宋


元通寶錢輕重一準唐之開元光幕外又有星摺文





太宗名匡義更名炁太祖之弟遵杜太后遺命先傳二弟然後傳子在位二十二年壽五十九改元凡五太平興國八雍熙四端拱二淳化五至道三起丙子終丁酉按帝在御省刑薄賦采直言敗遼兵收吳越滅北漢天下一統尤好讀書足稱賢主然使一弟二姪不得善終嫂開寶皇后宋氏崩殯於佛舍不使羣臣


成服何其悖也

太平錢食貨志曰太平興國元年更鑄太平通寶錢






淳化錢食貨志曰帝親書淳化元寶真行草三體字鑄錢後更鑄皆曰元寶而冠以年號又續泉志載淳化二年從趙安易請鑄御書大錢錢因未覩茲不錄







至道錢食貨志曰至道中歲鑄錢八十萬貫又於至道二年以池州新錢監爲永豐監




真宗名恒初名元侃太宗之子在位二十五年壽五十

五改元凡五咸平六景德四大中祥符九天禧五乾
興一起戊戌終壬戌按帝初任冠準等紀綱整肅大
有可觀後以王欽若輩倡說異端降天書封泰山哆
享昇平誇張海內然使王子就學重國本有足稱焉
咸平錢食貨志曰咸平四年作永利監鑄錢






景德錢食貨志曰景德四年詔曰鑄錢素有程限念
其勞苦特示矜寬自今五月一日至八月一日止收

平功歲鑄錢一百八十三萬貫




祥符錢食貨志曰大中祥符七年用知益州凌策言

歲鑄錢二十一萬貫







天禧錢食貨志曰天禧末歲鑄錢一百五萬貫





仁宗名禎初名受益真宗之子在位四十三年壽五十四改元凡九天聖九明道二景祐四寶元二康定一慶歷八皇祐五至和二嘉祐八起癸亥終癸卯按帝初政母后臨朝政非已出寶元康定西鄙多事慶歷以後引用韓范號稱君子滿朝性恭儉仁恕始終如一大辟疑獄上所活歲以千計可謂至仁之主焉


天聖錢按此錢有楷篆二品自後宋錢每有篆文








明道錢按此錢有楷篆二品



景祐錢按此錢有楷篆二品




寶元錢食貨志曰仁宗特命以皇宋通寶爲文續泉
 志曰有大小三品自七分重至一錢九分大錢背文
 有五字在穿上恐是當五錢文亦皇宋通寶





康定錢通鑑綱目曰康定元年十二月鑄當十大錢



以助邊費按此錢大小厚薄與大崇寧同小者亦少



慶曆錢食貨志曰陝西都轉運使張奎知永興軍范
雍請鑄大錢以一當十文曰慶曆重寶







皇祐錢宋志曰皇祐中饒池建江韶五州鑄錢一百
四十六萬緡









至和錢續泉志曰慶歷末以當十作當二用自此有折二錢此篆文大至和蓋折二錢也傳世獨少有元



寶通寶二品













嘉祐錢邱濬曰宋自開寶後每更一號必鑄錢故每
 帝皆有數種續泉志曰錢最多者仁宗也有楷隸篆
 三體文字元寶通寶之別





英宗名曙初名宗寶仁宗嗣子濮王允讓之子在位四年壽三十六改元治平起甲辰終丁未按帝以明質之資膺繼統之命臨政必問古治所宜裁決出羣臣意表雖未久升遐然後世抑高風咏至德何其盛哉治平錢食貨志曰歲鑄錢一百七十萬緡





神宗名頊英宗之子在位十八年壽三十八改元凡二


熙寧十元豐八起戊申終乙丑按帝孝友謙抑勵精


圖治將大有爲而惑於王安石之曲學偏見騷動天

下致祖宗之良法美意變壞幾盡卒成禍亂惜哉









熙寧錢宋志曰熙寧四年從陝西轉運使請行折二

錢遂大行天下





元豐錢宋志日時西師大舉邊用告竭寶豐下監歲
鑄折二錢二十萬緡轉移陝府







錢志新編卷十一

雲間張崇懿麗瀛校輯



宋





哲宗名煦神宗之子在位十五年壽二十五改元凡三元祐八紹聖四元符三起丙寅終庚辰按帝幼冲踐祚宣仁同政召用諸賢罷廢新法故元祐之政庶幾仁宗及舊奸復用假紹述以反前政報復善良黨禍藉興國政敝焉

元祐錢按此錢有行書篆文二品







紹聖錢按此錢有通寶元寶二品食貨志曰元祐中
罷徐州寶豐監鼓鑄按又有紹聖大鐵錢









元符錢食貨志曰元符二年官銅取就西京置監又
曰紹聖中以銅錢一千文易鐵錢二千五百








徽宗名佶哲宗之弟在位二十六年壽五十五改元凡
六建中靖國一崇寧五大觀四政和七重和一宣和
七起辛巳終乙巳按帝性甚機巧優於技藝不修國
政大興土木屏棄忠正任用奸邪以致天變民怨盜
賊乘機四起金人入寇擄帝北去紹興五年殂
於五國城








聖宋錢宋志曰建中靖國以聖宋元寶爲文





崇寧錢食貨志曰崇寧四年崇寧監以所鑄御書當
十錢來上詔頒其式於諸路








大觀錢食貨志曰大觀元年二月鑄御書當十錢以
轉運使宋喬年領之鑄烏背錢













政和錢食貨志曰蔡京命諸路錢監復改鑄夾錫錢
遂以政和錢頒式焉












重和錢食貨志曰重和中權罷鑄夾錫錢











宣和錢宋志曰御府乏用乃令饒贛錢監鑄小平錢
每緡用鐵三兩倍損其銅稍損其鉛又令江池韶錢
監盡以小平錢改鑄當二錢










欽宗名桓徽宗之子在位一年壽六十一改元靖康丙午歲也按帝在東宮時雖無失德然國已靡亂莫可挽回況一李綱而不能用致金人劫帝北行紹興三十年殂於五國城

靖康錢食貨志曰靖康元年四月辛未申銅禁按此錢制作精好傳世甚少一品大者重寶更不易得












高宗名構徽宗第九子南渡卽位臨安在位三十六年
壽八十一改元凡二建炎四紹興三十二起丁未終
壬午按帝無撥亂之才惑於奸臣秦檜和議雖有李
綱趙鼎爲相張韓劉岳爲將不能復尺寸之地稱臣
奉貢忘不共戴天之讎且連發金牌十二俾十年之
功廢於一旦或曰生帝時夢吳越王入宮斯言信歟
建炎錢此錢有大小三品大錢篆文曰重寶









紹興錢馬端臨曰紹興十五年置利州紹興監鑄錢
十萬緡有大小三品大者楷文又有鐵錢









孝宗名瑗更名昚高宗嗣子太祖七世孫秀王偁之子
在位二十七年壽六十八改元凡三隆興二乾道九
淳熙十六起癸未終己酉按帝雖入嗣然能盡宮庭
之孝前世未有且聰明英毅銳志恢復惜乎帝能矯



高宗之志而諸臣不脫秦檜之習然易表爲書改臣
 爲姪減去歲幣以定鄰好而隆興乾道之治不可誣
 居恒節用愛民好學勤政采直言斥宦豎重道崇儒
 眞宋室賢主也隆興錢食貨志曰隆興元年詔鑄當
 二小平錢如紹興之初











乾道錢宋史本紀曰乾道六年二月復置舒州同安
監六月置蘄州蘄春監十二月置黃州齊安監江州
廣寧監臨江軍豐餘監撫州裕國監皆鑄鐵錢南渡
以來鐵錢至此極盛食貨志曰乾道六年鑄錢司歸
運使八年以新鑄錢殺雜提點鑄錢等官責降有差



淳熙錢宋史本紀曰淳熙元年罷鐵錢改鑄銅錢食貨志曰詔舒蘄等監復鑄鐵錢並增五萬貫以通寶爲文按宋錢自淳熙七年始至咸淳錢背上皆鑄年數如淳熙錢背文柒字至十六字又有泉字及星月文者鐵錢背上增鑄一所鑄之監名





錢志新編卷十二


雲間張崇懿麗瀛校輯

宋

光宗名惇孝宗之子在位五年壽五十四改元紹熙起
庚戌終甲寅按帝幼有令聞及卽位之初總權綱屏
嬖倖薄賦緩刑有可觀者柰制於悍妬之后至失孝
養擅殺貴妃而不能以大義廢之忽因風雨作而心
怖壇燭滅而疾增遂不視朝機務悉歸宮闈上皇不
諱依諒陰之禮太子監國百官成服可也何至稱疾







臨朝倉皇仆地中外危懼從權立子閒居五載與妬
后俱亡哉

紹熙錢食貨志曰紹熙二年減斬春同安二監歲鑄
錢各十萬緡按篆文錢自紹熙而止以後惟用楷書
背文自元字至五字有銅鐵二種





寧宗名擴光宗之子在位三十年壽五十七改元凡四
慶元六嘉泰四開禧三嘉定十七起乙卯終甲申按
帝召用宿儒引拔善類其政卓然中以韓侂冑內蓄
羣奸指正爲僞尙書由竇侍郎大噪大諫與松壽同
名外挑強鄰流毒海內未幾史彌遠起而韓卽見殛
函首求成國體虧矣及彌遠擅政楊后竊柄帝惟拱
默不能自強計彌遠不臣之罪亦何殊侂冑哉

慶元錢食貨志曰慶元三年復神泉監以所括銅器
鑄當三大錢隸工部製特精妙幕有元字至六字







慶元大錢此錢較當三大而厚未識當幾錢也光幕



慶元小平鐵錢背文有春一同三等字製甚精工







嘉泰錢此錢背文自元字至四字止當三錢則光幕




嘉泰大錢此錢較當三亦厚大與慶元同光幕




開禧錢食貨志曰嘉泰三年罷舒斲鼓鑄開禧三年復之背文元字至三字止





開禧鐵錢背文有漢一漢二等字




嘉定錢食貨志曰嘉定元年卽利州鑄當五大錢制
司欲盡收舊引又於紹興惠民二監鑄三十萬貫其
料並同當三錢與折二小平錢並行背文自元字至
十七二字止當五乃光幕






嘉定鐵錢有回文者背有漢二春三春八等字



嘉定折十錢製極精整背文有折十二字諸譜不能俱載蓋此錢傳世絕少不可悉得也



理宗名昀初名貴誠寧宗嗣子太祖十世孫燕王德昭
之後榮王希璫之子在位四十年壽六十一改元凡
八寶慶三紹定六端平三嘉熙四淳祐十二寶祐六
開慶一景定五起乙酉終甲子按寧宗初育貴和爲
子更名竑時彌遠專政竑嘗書曰彌遠當決配八千

里彌遠聞之懼及寧宗崩乃矯詔立昀爲帝廢竑爲
濟王帝享國與仁宗同惟其中年嗜欲旣多怠於政
事權移奸邪故致治有異耳然初卽位能黜王安石
而尊濂洛表章周程張朱丕變士習使後世知理學
足以復古帝王之治帝之功不爲少焉廟號曰理固
其宜也

大宋錢食貨志曰寶慶元年新鑄以大宋元寶爲文
按背文自元字至三字止又鐵錢背文有漢元春二
春三等字又有仍以寶慶元寶爲文者絕少







紹定錢此錢背自元字至六字止






端平錢食貨志曰端平元年錢用膽銅所鑄故不耐久而舊錢之精致者泄於海舶雖申嚴入海之禁不

復能止背文自元字至三字止當五錢乃光幕文曰
通寶又大錢端平背有利折十三字蓋當十錢也








嘉熙錢食貨志曰嘉熙元年鑄新錢當二小平以通



寶爲文當五以重寶爲文小平當二背文自元字至四字止當五則光幕




淳祐錢此錢小平折二背文自元字至十二二字止又當百大錢以通寶爲文背有當百二字按本紀曰

淳祐九年三月以程元鳳爲江淮等路都大提點坑冶鑄錢公事蓋是時所鑄有二品小者只當三錢大







皇宋錢食貨志曰寶祐元年新錢以皇宋元寶爲文
其錢背文元字至六字止







開慶錢本紀曰開慶元年五月乙丑行開慶通寶錢

背文有元字



景定錢續文獻通考曰景定元年九月新錢以景定


元寶爲文背文自元字至五字止



度宗名禪理宗無子以母弟興芮之子爲嗣在位十年
壽五十三改元咸淳起乙丑終甲戌按帝卽位以來

荒於酒色萬機大政委於權臣以致賈似道竊位專
權蒙蔽誤國使將士離心自襄陽之陷而宋之大勢
去矣蓋當是之時承平日久民不習戰郡縣之兵望
風而潰元兵南渡如蹈無人之境宋祚三百餘年深
可惜哉

咸淳錢此錢背文自元字至十字止



按度宗後尙有三帝皆度宗之子恭帝一年改元德

祐元人劫之北去降封爲瀛國公端宗二年改元景
炎末主二年改元祥興元兵入崖州丞相陸秀夫負
帝投海而死宋亡皆未聞鑄錢而方回古今考載有
德祐元寶錢今世未之見又云自慶元始至咸淳凡
八十一年所鑄新錢並入內藏未嘗行用民間無此
一文內藏積至一千二百萬貫

銅鑄牌長三寸許闊一寸又有長二寸許大小不同
各照其值一面曰臨安府行用一面曰準伍伯文省
或參伯文省額有小竅貫以致遠蓋是宋季國窮補

救變通之物云省者乃當時以七十文爲百謂之省錢銅牌爲支錢之券故著省字

○臨安府行用

○臨安府行用




○準伍伯文省

○準叁伯文省

附劉豫

按豫字彥游阜城人今河間府阜城縣宋濟南太守叛降於金建炎四年九月金人立豫爲齊帝據都大名府僭

元阜昌後徙汴京盡有梁衛之地爲金人侵寇宋境
大爲邊患紹興七年岳少保用反間計使金廢豫爲
蜀王至紹興十六年乃死鑄有阜昌錢二種重寶者
楷文元寶者字仿開元體大小與宋錢大崇寧同



錢志新編卷十三



雲間張崇懿麗瀛校輯

遼


太祖阿保機者一名億姓耶律氏五代之際契丹最盛
或曰與庫莫奚同類或曰鮮卑遺種居潢水之南黃
龍之北梁貞明二年遂稱帝改元凡二神冊六天贊
四其地東至海西至流沙北絕大漠信威南里大度
寬仁有人君之度焉傳太宗世宗穆宗景宗聖宗興
宗道宗天祚帝凡九主共二百十年起梁貞明二年

金元集卷之八
丙子終宋宣和七年乙巳金滅之太祖八世孫德宗
耶律大石遂稱帝於起兒漫傳感天后仁宗承天后
出帝乃蠻王滅之是爲西遼凡五主計七十七年起
宣和七年乙巳終宋嘉泰元年辛酉


天贊錢遼史曰遼以先代土產多銅始造錢幣國遂
富强太宗置五冶太師以總四方錢幣洪氏泉志曰
此錢重三銖六參徑九分文曰天贊通寶





穆宗名述律更名璟太宗德光之子在位十八年改元
應歷起辛亥終己巳耽酒嗜殺國人怨之每酣飲自
夜至旦晝則常臥謂之睡王爲庖人所弑鑄有應歷
錢





景宗名賢世宗阮次子在位十四年改元凡二保寧十
乾亨四起己巳終壬午嘗嬰風疾國事皆決於后蕭
氏任耶律休哥爲於越休哥智畧宏遠料敵如神
遼史曰景宗以舊錢不足於用更鑄乾亨新錢



聖宗名隆緒景宗之子在位四十八年改元凡三統和
二十九開泰九太平十起癸未終庚午能舉才行察
貪殘抑奢侈開貢舉且能親御甲冑復燕雲功業不
亦偉與董道曰宋太平興國八年隆緒鑄統和元寶
錢宋天禧五年復鑄太平元寶錢









興宗名宗眞聖宗之子在位二十四年改元凡二景福
一重熙二十三起辛未終甲午素性佻達不理國事
嘗變服入酒肆寺觀遊蕩無度聖宗之業衰焉洪氏
泉志曰重熙通寶錢經九分重三銖





道宗名洪基興宗之子在位四十六年改元凡五清寧
十咸雍十大康十大安十壽昌六起乙未終庚辰遼
史曰道宗尊信浮屠一歲而飯僧三十六萬一日而

祝髮三千徒勤小惠葭計大本寵任奸邪殺妻滅子
國本益衰所鑄洪氏泉志曰清寧通寶錢徑九分重
三銖董氏錢譜曰咸雍通寶錢宋治平二年洪基鑄
泉志曰太康錢有二品並徑八分重二銖四參大安
錢徑八分重二銖八參壽昌錢徑九分重二銖四參












天祚帝名延禧道宗之孫在位二十五年改元凡三乾
統十天慶十保大五起辛巳終己巳性亦淫樂遊畋
廢棄政事忠臣碩士多被疎斥以致爲金所滅洪氏
泉志曰乾統元寶錢徑一寸重三銖二參天慶元寶
錢徑九分重二銖四參










感天錢洪氏泉志曰感天元寶錢有大小二品字畫
道勁或云西遼感天后蕭氏所鑄其文回讀



二寸重自四錢一分至五錢五分有對文者對文倒
置者重輪者背有聚寶盆及梅花者小平楷書通寶






夏



景宗名元昊姓拓跋氏裔出黨項羌唐太宗時來歸入居銀夏至拓跋思恭以破黃巢功拜夏州節度使賜姓李氏傳至李繼遷宋以爲銀州觀察使賜姓趙名保吉自後叛服不常中流矢死追號太祖子德明宋仁宗封爲夏王卒追號太宗子卽元昊始稱帝盡有河北諸州東至河西至玉門南臨蕭關北控大漠延袤萬里國號爲夏在位十五年改元凡二廣運四天授禮法延祚十一傳毅宗惠宗崇宗仁宗桓宗襄宗

神宗獻宗末主凡十主計一百九十年起宋仁宗寶元元年戊寅終宋理宗寶慶三年丁亥元太祖滅之泉寶錄曰天授通寶錢景宗鑄





崇宗名乾順惠宗之子在位五十三年改元凡八天儀治平四天佑民安八永安三貞觀十三雍寧五元德七正德八大德五起丁卯終己未雖非無道然柔懦無能請婚於遼稱藩於金國事日以侵衰至後不復


振焉泉寶錄載有大德元寶錢又元德錢余有之



仁宗名仁孝崇宗之子在位五十四年改元凡四大慶
四人慶五天盛二十二乾祐二十三起庚午終癸丑
崇儒重道始建學校於國中尊孔子爲文宣帝足稱
爲賢者然信任奸臣任得敬執國柄二十餘年陰蓄
異志誣殺宗親大臣皆不能禁後雖設計誅之而夏
政益衰焉所鑄有天盛乾祐二品錢乾祐錢鐵者多




桓宗名純佑仁宗之子在位十二年改元天慶起甲寅
終乙丑雖無失德然政令不行寵任從兄安全卒爲
其所廢尋殂所鑄有天慶錢




襄宗名安全崇宗之孫廢其主純佑而自立凡五年改
元二應天四皇建一起丙寅終庚午篡立未幾蒙古

兵入靈州安全恒懼無計卽請和納女至國祚阡危
焉所鑄有皇建元寶錢



神宗名遵頊襄宗之子在位十二年改元光定起辛未
終壬午國勢危亡自救不暇乃不度德量力與金構
兵且請宋會師伐金致蒙古乘虛圍興州遂出奔西
涼旋傳國於子德旺凡三年改元乾定以憂悸卒是
爲獻宗再傳姪南平王睨又二年元太祖擄之夏亡

按續筆乘曰古帝王以科第出身者惟吳大帝權曾
舉孝廉而夏神宗則以狀元及第更爲稀有今世所
傳有光定元寶錢乃其當時所鑄



錢志新編卷十四

雲間張崇懿麗瀛校輯

元


太祖姓奇握溫名鐵木真蒙古人居女直之北在唐爲
蒙兀部亦號蒙骨斯其先有孛端义兒者居烏桓北
至也速該始盛大速該生鐵木真滅乃蠻部益以富
強始稱帝是爲太祖傳太宗約宋滅金再傳定宗憲
宗世祖始滅宋混一區宇傳成宗武宗仁宗英宗泰
定帝明宗文宗懿宗順帝凡一十四主共一百六十

二年自世祖十七年滅宋混一至順帝凡十主實止八十八年入正史起庚辰終丁未明太祖滅之

世祖名忽必烈憲宗之弟在位三十五年壽八十改元凡二中統四至元三十一一起宋理宗景定元年庚申終至元甲午建都順天按帝雖爲開基之主然智愚參半間雜昏明立國以來殺生靈幾千萬億劫數驚人信桑門貶孔子五好並用四帥齊興假非天意攸歸何能混一寰宇耶



至元錢今世傳至元通寶錢形製與至正錢相同恐

是順帝後至元時所鑄未敢臆斷故卽載此



成宗名鐵木耳世祖之孫在位十三年改元凡二元貞
二大德十一壽四十二起乙未終丁未按帝甫卽位
除兩都之稅罷安南之兵清隱佔之田急蠲賑之法
其政卓然可觀柰末歲寢疾沉諛諂之詞牽帷廕之
制海嶠小夷日事窮討以致赤子貼危寇氛四起惜
哉


大德錢今世所傳有大德通寶錢然當時史亦失載




武宗名海山成宗之姪故太子真金之孫答剌麻八剌之子在位四年改元至大起戊申終辛亥壽三十一按帝以次當立遠在北邊乃先迎仁宗於懷州權攝國事及帝卽位上都卽以仁宗爲嗣初納阿沙不花直諫立拜右相可謂容受直言矣柰封爵太盛賜資太隆宦官而加司徒伶官而授平章尊信西僧至粹

毆畱守拉妃墮車皆釋不問反降旨曰毆西僧者斷
手詈者截舌其愚蔽甚矣

至大錢元史食貨志曰至大二年初行錢法曰至大
通寶者一文準鈔一釐曰大元通寶者一文準至大
錢十文葉子奇草木子曰元初止行鈔法而不鑄錢
獨至大官裏行至大二等錢當五以蒙古字小錢則
以楷書






仁宗名愛育黎拔力八達武宗之弟撫以爲子在位九年改元凡二皇慶二延祐七起壬子終庚申壽三十六按帝克納嘉言尊儒重士不事畋遊不好征伐奉


太后以孝待宗戚以禮大臣遺者時加恩賚有司奏
大辟必慘怛移時孜孜圖治一遵成憲典章文物號
稱至盛焉然武宗有子不立而傳弟其子世疎之行
鮮失而帝自立其子竟負兄若此哉

皇慶錢按此錢文曰皇慶通寶食貨志失載




英宗名碩德八剌仁宗之子在位三年改元至治起辛
酉終癸亥壽二十一按帝初立即能卻寶帶罷張鐙

用拜住爲相減天下租賦十分之三海內翕然望治
獨惑於輪迴敕寫金字藏經怒誅造佛寺殺觀音保
幸灌頂寺受戒賜金巨萬以御史領衛軍獨信任鐵
失致南坡之變身且罹弑非帝之知而不能斷也乎
至治錢陸氏續泉志曰英宗至治通寶錢重一錢肉
好字畫精妍而偏體色澤美豔千百羣中未易多得
之品世亦絕少



又宗名圖帖睦爾武宗次子初封懷王在位五年改元至順起戊辰終壬申壽二十九按帝以攝位布告中外迎兄明宗於漠北比入見明宗忽暴崩燕帖木兒聞哭聲卽奔入帳中取寶璽扶文宗上馬南馳復襲位詔養燕帖木兒子爲子賜第及貲產其讓兄蓋矯情也後順帝降詔以其謀爲不軌命撤其廟主殆不誣矣然臨終不傳己子而傳兄之子是爲寧宗未幾天折又傳順帝攘其位而仍歸其子則又何爲者至順錢按此錢文曰至順元寶字畫秀勁較至大等

錢略小食貨志亦失載



順帝名妥懽貼睦爾明宗養子

書傳所載以爲宋恭帝之子




在位三

十六年改元凡三元統二至元六至正二十七壽五十一
起癸酉終丁未明太祖北定中原帝出奔應昌
又二年殂太祖以其能順天命追諡曰順帝按寧宗
崩燕帖木兒請立文宗之子燕帖古思太后曰吾子
尙幼妥懽貼睦爾年十三矣當立乃遣使迎之當時





流言爲非明宗所生又太史言其立則天下亂故至
京久不得立居停半歲乃始卽位帝雖敏慧然優柔
寡斷庸懦無能委政權奸志耽逸樂雖有巉巖脫脫
備位經筵而朝綱蝟亂國勢瓦崩龍鳳天完東吳西
漢分居土地置若罔聞猶且造龍舟製宮漏行運氣
術作天魔舞奇技巧思日夜不休不以國本爲重致
上天降異雨血雨毛雨日相盪而天鼓復鳴李生黃
瓜而童謡先作石人出而羣雄四起黃河清而真人
聿興內而李羅外而擴廓構兵不已遂致國亡諺云

必有妖孽此其驗矣

至正小平錢元史曰至正十一年詔鑄至正錢按此錢背文有蒙古篆文及曰一等字











至正折二錢此錢背文有曰字百字及曰二等字









至正當三錢此錢背文有曰字百字曰二等字

有闊邊狹邊二種





至正當十錢此錢皆以白銅爲之字畫古拙製作不甚精工背文有司字司字下有十字及司字下橫列壹兩重三字者




至正權鈔錢按元世祖頒行中統鈔錢鈔也又頒至
元鈔以一當中統之五卽至正時改爲折二者此以



鈔權鈔也武宗至大中行銀鈔仁宗初罷廢不行至是脫脫爲相新行至正銀鈔卽所謂交鈔今元代大錢有闊且厚者面文爲至正之寶背文穿上一吉字左權鈔二字右勒銀兩如貳錢貳錢伍分三錢伍錢之類蓋權鈔者權至正銀鈔也夫鈔所權銀錢本非虛器乃始而以鈔權鈔旣而以錢權鈔以之賞給則上誑其下以之輸納則下誑其上紛紜顛倒而民無措其手足矣考其後所鑄諸錢亦卒不行又值海內大亂京師百姓持鈔十錠求斗米且不可得民閒皆

以貨交易鈔盈積爲無用之物蓋錢塞鈔廢而國
隨以亡又按自唐以來錢之鉅者至宋寧宗之嘉定
折十宋理宗之淳祐當百爲極矣而順帝之權鈔錢
其大更倍之





又陸南軒續泉志所圖一品云歲試至崑山見一大錢文曰至正之寶背文在穿上有豎二字曰權鈔並二字曰五錢體質魁偉字畫古樸歎爲觀止奈索值過昂僅摹其樣歸以寄私懷其錢重四兩



又西番篆小平錢或曰至正通寶或曰至元通寶

